

31059/p

DISPUTATIO
de
ANNULO
TRINITARIO,
vulgo
Dreyfaltigkeits-Ring;




quam
PRÆSIDE
DAN. GUIL. MOLLERO,
Comit. Palatin. Cæs. & Prof. Publ.
defendet
JOH. FRIDERICUS KERNIUS,
Schleusfinga-Hennebergicus.

ALTDORFI An. 1701. d. 19. Novemb.
H. L. Q. C.

Denuo recusa 1702.





PROOEMIUM.



Annulos undecunque tandem & quodocun-
que ortos ingenium deinceps mortalium, im-
pregnante id maxime luxuriâ, haud uno cla-
borare modo contendit. Nam ut nihil jam di-
cam de varia eorundem materia, forma & fi-
gura, cui quæso Eruditorum ignota esse queunt
multiplices illis ipsis superaddita sculptura,
sectura, signatura & calatura, quibus quidem nude duntaxat litera-
rum quarundam forma primum sunt delineata, postea verò, gemmis et-
iam adscitis, desitæ literæ, sculpiq; alia varia cœperunt: Effigies puta vel
alicujus de Majoribus, vel de Amicis, vel ipsius Caesaris, præterea
brutorum animalium figure, nec non enigmata, & quæ quisque vellet
ἀποσφραγίσματα; quin & Deorum imagines in iisdem fuisse re-
presentatas Plinius H. N. lib. 2. c. 7. memoria prodidit: Pytha-
goræ nihilominus symbolum fuisse, ἐν δακτυλίῳ εἰκόνα θεῶν μὴ περι-
φέρειν, i. e. In Annulo Imaginem Dei ne circumferas, ab haud uno
Autore asseritur: Unde Macrobius etiam Saturnal. l. 7. c. 13. per-
bibuit: Atejum Capitonem Pontificii juris inter primos peritum
sancivisse, nefas esse, Deorum formas annulis insculpi. Certe
Seneca pariter autore constat; quendam accusatum esse reum læ-
sæ Majestatis, quod ea matulam apprehendisset manu, qua gem-
mam gestabat Imperatoris imagine signatam. Quid autem quæso
de tali homine pronunciatum vel statutum esse debuit, qui simile
quoddam vasculum manu apprehendit Annulo imaginem Dei ali-
cujus in se continente decorata. Ceterum præter varios, quibus
Annuli omni tempore destinati sunt, usus atque fines; diversa et-
iam ad Symbola exprimendâ eosdem fuisse adhibitos, hinc inde
ex Historia potest comprobari: quæ inter primarium facile dixerim

illud esse; quando Annulus symbolum fuit, estque etiamnum Æternitatis: Sicuti enim is per omnes sui partes equalis est, principio & sine carens; ita etiam Æternitas non nisi unica & interminabilis est duratio, neque finem habens, neque principium; est enim in se ipsa semper eadem & uniformis, neque reperire in ea est aut præteritum, aut futurum, cum nulla temporum circumscriptione definiatur, semperque existat, & nunquam non exstiterit in rerum natura. Quod tamen ipsum quam longissime dicendum fuerit superari, à recentiore quodam ab Annulo mirabili superiori demum seculo invento, Symbolo desumpto, quo ipso S. Trinitatis mysterium inscrutabili quadam & inexplicabili prorsus ratione dicitur adumbrari. Atque ejusmodi de Annulo disputandi cum haud ita pridem Eximium ac Doctissimum Dn. Respondentem cupido incessisset, nolui, eadem intellecta, qualicunque mea ipsi deesse opella, quin potius, quantum temporis & publici & privati officii labores permittebant, sequentes in paragraphos distincta, si non ex asse, aliqua tamen ex parte, voto ejus modestissimo respondere. Proinde sit in Sancto Nomine JESU

§. I.

Annuli vox an à gr. ἀνελέω, contr. ἀνελῶ, i. e. evolvo, obvolvo: an à lat. An, h. e. circum, veluti Eggebert. Schaumijs in *Collectan. de Annulis cap. 2.* tradidit, Annulorum, inquit, derivatio, ab An, particula, quæ circum significat, petitur: Veteres enim An pro Circum ponere consueverunt, ut Cato in *Originibus*; An terminum, i. e. circum terminum & Ambire dicitur pro Circumire, vid. *Macrob. Saturnal. l. 1. c. 14.* an ab Annus, veluti *Isidorus Origg. l. 5. c. 36.* Annulus quasi annuus, i. e. circulus, quod in se redeat. Annus quippe, ait *Vossius Etymolog. LL. fol. 33. col. 1.* sive, ut posteriores scripsere, Annus, proprie notat circulum, ab An, i. e. circum: indeque ὑποκοριστικὸν Annulus, sive, ut Veteres scribebant, Anulus. Veteres namque non geminabant consonantes, ut præter alios docent *Fabius lib. 1. cap. 7.* & *Festus de V. S. in Anus.* Philologos inter uti controvertitur, ita meum hac vice non est, eorum lites vel dirimere

mere, vel componere: Si tamen aliqua mihi amplectenda foret derivatio, næ Græciæ potius, quam Latio eam vindicare laborarem.

II.

Homonymicis & Synonymicis Annuli significationibus longa serie exponendis tanto libentius supersedeo, quanto majore cura in iis Autores plures jam pridem occupatos fuisse constat: Non abs re tamē fore arbitror, si aliqua, & quidem seqq. cum voce germanica *Ring* coalescentia heic compareant nomina: A, b, c. ring / Annulus Abecedarius: *Alchsenring* / circulus ferreus axis: *Alchxering* / Hemina species mensuræ: *Altsteinring* / Annulus è succino: *Augenringe* / Irides oculi: *Musfönningsring* / annulus reconciliationis: *Batenring* / annulus lustricus: *Beckenring* / annulus pelvis: *Beinenering* / annulus osseus: *Braut- & Frau- oder Vermählungs- Ring* / annulus pronubus: *Creutzring* / annulus crucis insigni præditus: *Daumenring* / major annulus aureus pollicis: *Demantring* / annulus adamante inserto fulgurans: *Doctorsring* / annulus Doctoralis: *Dratring* / annulus ex filo vel aureo, vel argenteo, &c. factus: *Elends- sive Krampfring* / annulus ex ungula alcis contra spasmus: *Eyerring* / annulus sive circulus ex farina & ovis pistus: *Fleischring* / annulus, sive, circulus ex quo caro pendet: *Flußring* / annulus catarrhos abigens: *Galgenring* / circulus catenæ ferreæ ex qua fur pependit: *Gedenck- & Denck- sive Gelencfring* / annulus memorialis, sive articulatus duplex, triplex, quadruplex, quintuplex: *Gedrehter Ring* / annulus tornatilis: *Gesellschaftsring* / annulus societatis symbolicus: *Geschmelzter Ring* / annulus operis encaustici: *Glatte Ring* / annulus lævigatus & expolitus: *Hand- treuring* / annulus complicatas manus exhibens: *Härner Ring* / annulus ex pilis humanis, vel seta equina plexus: *Halßring* / columbar: *Halßbandring* / millus: *Haupt- sive Kopfring* / arcus, arcus, cesticillus, circulus capiti impositus ad onera sustinenda: *Hauptring* / annulus elegantissimus & pretiosissimus: *Helffenbeiner Ring* / annulus eburneus: *Hembdring* / fibula indusii: *Hencfersring* / circulus, quem milites circa delinquentem in executione claudunt: *Hutring* / uncinus auriculæ pilei: *Jesumnamring* / annulus literis IHS. insignitus: *Jungferring* / annulus virgineus: *Kastenringe* / manubria & ansæ arcarum, cistarumque: *Kesselring* / climacter, de quo lebetes & athena suspenduntur: *Kettensring* / annuli torquium: *Kreidenring* / vel, *Saußring* / circulus creta in mensa ductus pro symbolo compotatorum: *Lumpen-*

ring / annulus levis vilisque: Magisterring / annulus Magisterialis: Maria Hilffring / annulus auxilii Mariani: Mittelring / annulus mediocris pretii: Mönchsring / sive, Mönchsfranz / corona monachalis: Namensring / annulus cælatus literis nominalibus: Nasenring / rhinolabis, pastomis, camus: Netzing / paxillus retis: Ohrenring / inauris: Petscherring / annulus signatorius: Pfandring / sive, versetzer Ring / annulus pignori datus: Pressring / annulus, sive, circulus torcularis: Rautterring / annulus rutiformis: Rutterring / annulus equestris: Rubinring / annulus rubino rutilans: Schlagring / sive, Uhring / annulus horarius: Schnäbelring um der Vögel Schnäbel / orbiculus rostri avium: Strohring / circulus stramineus: Schuhring / fibula calcei: Spielring / annulus terræ infixus, per quem globus mittitur: Taubenring / circulus janthinus in collis columbarum: Thürring / cornix, sive, annulus quo pulsantur fores: Todtenkopffring / annulus capitis mortui emblemate spectabilis: Turnierring / annulus de longurio annulari dependens in certamine equestri: Wexierring / annulus, pro variæ circumrotationis modo, oculis hominum imponens: Wex, sive, Türhaufringe / annuli velares, cortinales: Wappenring / Signum, sive, annulus cui insignia sunt insculpta: Warring / cereus circulari forma complicatus: Wunderring / annulus miraculosus, magicus, medicatus Zauberring / annulus præstigiatorius: Zaunring / circulus sepimentum: Zirkelring / circulus descriptus: Zwerchring / annulus obliquus.

III.

Nobis ea Annuli heic arridet significatio, qua *tum* digitalis, *tum* alius quivis circulus innuitur atque exprimitur. Et quidem *priorem* juxta significationem: Annulus est circulus digitalis, ex varia materia, præcipue autem aurea, factus, nunc gemmâ palæ inserta pretium augens, nunc eadem omisâ, amittens vel saltem minuens, atq; nunc ornatum manui, nunc auctoritatem, nunc indicinam dignitatis homini gestanti eum concilians, nunc mala quocunque modo resultantia averruncans, nunc alios quoslibet usus subministrans. Juxta *posteriores* interpretationem: Annulus est circulus quivis ex quacunque materia, quomodocunque & in quemcunque finem elaboratus, ex cuius centro omnes lineæ ad peripheriam ductæ sunt æquales.

IV.

Trinitas, græce τριάς, à Personarum in divinis numero nomen videtur accepisse: Etsi enim vocabulum Trinitatis, inquit

Contra

Conrado Dieterico in Institut. Catechet. Loc. de Deo, p. m. 268. totidem syllabis in Scriptura, secundum literam, quoad verba, sive expresse, non extat, habetur tamen in eadem quoad rem, secundum sensum implicite & necessaria consecutione. Habetur sane in Scriptura vocabulum TRES, 1. *Job. 5, 7.* Ergo, ex natura Conjugatorum, *Trinitas* inde legitime infertur; sicut ab Uno unitas. Adde, quod Trinitatis adhibetur vocabulum, non, quia Scriptura dicit, sed quia non contradicit. Quid quod, propter hæreticorum fraudes & sophismata, necessario usurpandum.

V.

Ex substantivo *Trinitas* formatum est deinceps adjectivum *Trinitarius, a, um*, rarius licet apud Autores obvium, non tamen penitus ex Rep. literaria eliminandum. Uti enim aliàs etiam *Antitrinitarii* dicti fuere hæretici, S. Trinitatem Personarum in una essentia divina negantes, & vocabulum Trinitatis prorsus expunctum cupientes; ita non absimili modo, significatione autem adversa, & omiſſa græca præpositione *ἀντί*, Trinitarium posse appellari annulum, Trinitatis mysterium qualitercunque adumbrantem, facile mihi persuadeo.

VI.

Præter Patres Ecclesiæ & Theologos Christianos, raro videas ab alio quopiam Autore, strictiore quidem illo in significato Theologico, vocem Trinitatis esse usurpatam. Aliàs verò in Botanicis, Chymicis & Physicis nonnunquam vocem illam, ad rem aliquam abstrusorem & viribus excellentioribus præditam denotandã adhiberi, negari nequit: quin & in Geographicis vocem Trinitatis haud infrequentem esse, ex tabularum hujusmodi inspectione liquido apparet: nota enim est *Trinitatis Insula* in mari boreali, prope ostia fluvii Orenoci, in sinu Parix, ob copiosam unionum præstantissimorum piscationem celebratissima: nota etiam est Urbs *la Trinidad* vulgo dicta, in Guatimalæ provincia florentissima: nota denique est *Trinitatis Insula* spatio haud adeo ampla, montuosa & deserta, in mari Brasilico sita.

VII.

Profunditatem mysterii S. Trinitatis nonnulli Autores adumbraturi, Simile a puerulo quopiam, mare in alveolum ad littus forte effossum transfundere laborante, desumferunt: quod ipsum, ut èò melius pateat, verba juvat adscribere *Thomæ Cantipratani, de proprietatibus*

prietatibus Apum part. 3. lib. 2. cap. 48. ut ut prolixiora: Eo tempore quo B. Augustinus librum de Trinitate composuit, illi tale miraculum Deus ostendit: Hipponensis civitas Africae nobilis, in qua B. Augustinus Episcopatum administravit, super littus maris pulcherrime sita erat. B. autem Augustinus in consuetudine habebat, ut post divinum studium & laborem, vespere super littus maris, sequentibus à longe Episcopis & Clericis, qui pro consilio & negotio universalis Ecclesiae eum frequentabant, solus antecedens deambulare, ne scilicet ejus contemplationem aut studium colloquentium fabulatio impediret. Cum ergo sic solus incederet, puerulum mirae pulchritudinis ibi sedentem invenit, qui facta in terra fossa parvula, (sicut pueri in plateis ludentes solent,) cochleari argenteo aquam de mari hauriebat, & in illam parvam fossam effundebat. Quem ut B. Augustinus ita speciose sedentem vidit, pedem mox pressit, & stetit: procedens inde puerum salutat, & inquit, quid agat? & puer serio respondit: Volo, inquit, totum istud exhaurire mare, & isti fossae, si possum, infundere. Quo responso, quasi puerili, Vir sanctus irrisum decentissimum solutus respondit: Et quomodo, ô bone puer, hoc poteris? ingens est mare, & parvum cochlear quo hauris, fossa parvula in quam fundis. Et mox puer: *possibilis*, inquit, *mibi est hoc facere, quod intendo, quam te implere, quod cogitas.* Ad hoc B. Augustinus mirabiliter stupefactus, quid hoc esset, interrogat; Et puer; *cogitatu*, ait, *volvis, & aestimas volumine brevi concludere, quid sit illud individuae Trinitatis inexplicabile sacramentum. Et hoc quidem antequam possis, isti fossae parvulae potius maris undas infundam.* Hæc dicens, puer repente disparuit. B. vero Augustinus Christum in facto glorificans, quam verum puer dixerit, mox advertit: Siquidem cum prius eos libros in Pisanis montibus juxta Centumcellas inchoasset, diu distulit, priusquam summam manum iisdem immitteret, quod non fecit nisi ætate jam adulta & graviore. Eo autem loco, ubi supra scriptum miraculum contigit, extat adhuc Sacellum cum domo Eremitica perantiquum, ubi in lapide excisa & pene exesa leguntur hæc:

Sive Viator es, sive Inquilinus:

Eremiticam venerere domum, venerere sacellum,

Ubi præfulgidum illud Ecclesie lumen Augustinus

Egregium de Trinitate Opus inchoavit:

Quod

*Quod mirifico caelestis Pueri, juxta Bertholdi
Littus sibi apparentis, oraculo intermissum,
In Africa tandem senex absolvit.*

Uti autem hoc unquam vere contigisse nondum à fide quodam digno Autore satis probatum est, ita Sacellum etiam cum domo Eremitica nec non lapidi incisa Scriptura hodie adhuc, ceu fertur, extantia, miraculum tam ingens adstruere firmiter nequeunt. Neque *Cantipratani* etiam moverit quempiam testimonium, quippe quem pluribus mendaciorum centonibus scripta sua referuisse constat: hincque eximium juxta *J. G. Dorschei in Hodogetic. Catholic. Antikirch. pralim. p. 275.* judicium: Inter Apes Thomæ Cantipratensis *Fucos fuisse & Mendacia* in propatulo est.

VIII.

Ceteroquin multiplices mysterii hujus profundissimi abyssum, si non penitus exhaurientes, aliquadantenus saltem repræsentantes adumbrationes hinc inde esse desumtas, nemo nisi plane hospes rerum sacrarum inficiabitur. Atque ut Symbola & Typos pro declaranda & inculcanda S. Trinitate à quamplurimis excogitata quam plurima hac vice præteream, *soliis Fabricæ Templi Ezechielis, c. 40.* à Deo repræsentati heic facere placet mentionē, cujus structura sane admirabilis similitudinem aliquam expressisse videtur SS. Trinitatis: Siquidem *Joh. de Carthagera, Hispano, libro I. de Arcanis SS. Trinitatis homil. 7.* perhibente, Templum illud in tres partes dividebatur, quarum prior locus erat vulgi; secunda atrium exterius, sive sanctuarium; tertia atrium interius, Sacerdoti summo & Sacrificiis deputatum: erantque ita disposita hæc loca, ut primo secundus, tertio priores clauderentur. Erant rursus cuilibet atrio tres porte, quarum una Orientem, secunda Meridiem, tertia Aquilonem respiciebat. Denique erant tres muri, & tres porticus, quarum una erat mensura. Qua mystici Templi repræsentatione, Dei, cui illud consecrabatur, natura adumbrabatur, & personarum trinitas ac æqualitas significabatur, ut quicum trinus sit in personis, tamen, ut vere *Athanasius*; qualis Pater, talis Filius, talis Spiritus S. estque omnium eadem divinitatis immensitas & natura; neque in unius cognitionem devenire possumus, nisi omnium personarum originem perquiramus. Igitur Templum istud toties ternario numero exornatum, Deo, qui trinus est in personis, consecrandum fuit.

In symbolis autem Trinitatis mysterium quocunque modo affimulantibus recens demum inventis, *Annulum* quoque *triplicatum* Noribergæ hos circiter ante triginta annos ab Aurifice quodam confectum, locum obtinere, plerisque haud segnibus illius contemplatoribus erit notissimum; quippe qui S. Trinitatis titulo condecoratus, adhuc hodie cum omnibus ad formam normamque ejus ex quacunque materia elaboratis annulis, germanice *Dreysaltigkeitsring* / solet appellari: qua quidem voce germanica licet non tam triunitatem, quam triplicitatem, accurate loquendo, sciam denominari, nomineque *Dreyeinigheit* rectius & convenientius illam exprimi posse, negare nolum, attamen verbis usu invalescentibus, cum vulgo loquendum, cum eruditis vero & sapientibus sentiendum esse, ratio suadere & experientia ipsa comprobare videtur.

X.

Est igitur ejusmodi *Annulus Trinitarius* circulus triplicatus, varia amplitudine, nunc majore, nunc minore præditus, ex varia etiam materia, præcipue eburnea, aurea, argentea, quin & ex orichalco, buxo, lignoque, tam affabre & artificiose elaboratus, ut sine minimo ullius mutui contactus indicio, admirabilis trium diversorum annulorum sibi invicem implexorum, seriatim involutorum, & undosæ in modum circumflexorum structura conspiciatur, ad S. Trinitatis mysterium aliquadantenus delineandum excogitatus. Cujus quidem schema, ut eò melius fabrica annuli mente concipi queat, in frontispicio statim disputationis hujus oculis lectoris est subiectum.

XI.

Quis trilicem talem Annulum omnium primo in orbe isto fabricarit, juxta cum ignarissimis scio. Rumore quidem nuntio quod accepi, si dicendum est, *Jesuitæ cuidam Ingolstadiensi, Schereri nomine claro*, prima ejus inventio tribuenda foret, utpote qui Matheseos studiis curiosius excultis, *evenqua* tandem hocce mechanicum in publicum fertur protulisse: Idcirco Ingolstadtum forte peregrinantes quidam Nobiles, sive Comitum dignitate illustres duo Poloni, ære grandiore eum sibi ibidem comparatum Noribergam deferentes, ibique eundem Viro cuidam Nobili, *Ferdinando Salischfer* / incolæ tum Noribergensi, & rerum artificiosarum non minus, ac aliarum quarumvis rararum curiosarumque valde gnaro, ceu portentum aliquid

&

& inventum prorsus stupendum ostendentes, sciscitati sunt simul, an aliquis Noribergæ Artifex reperiri posset, qui similem Annulum, efficere auderet, pretio XII. Imperialium solidorum in laboris compensationem oblato. *Salienſcher* ille simpliciter neque negare, neque affirmare sustinens quæsitum, pactum tamen cum dictis Polonis tale inivit: nempe ut Ratisbonæ ab illis per aliquot ceu recipiebant, hebdomadas commorantibus, Annulus, si forte Noribergæ factus fuisset, acceptus, promissio illo pretio redimeretur.

XII.

Salienſcher ille, haud diu cunctatus, librum aliquem, in quo typus annuli huiusmodi delineatus cernebatur, ad *Joh. Heel / Aurifabrum Noribergensem*, virum in arte non tantum sua, sed aliis etiam quibusvis abstrusioribus scientiis versatissimum, detulit, eumque interrogavit, an ad illius exemplar annulum talem triplicatum sibi sumeret efficere? qui curiosius typo inspecto, & in consilium simul adscito *Alberto Gözio*, Aurifabro itidem Noribergensi suæ artis gnarissimo, elaborationem annuli istiusmodi in se recepit: qua tandem paucos intra dies feliciter ad finem perducta, non majus operæ in annulum efficiendum insumtæ pretium, præter quidem auri valorem, ex quo is fuerat conflatus, quam *trium florenorum* à *Salienſcher* paulo ante commemorato se accepisse, ipse adhuc vita fruens *Heel* proficitur.

XIII.

Quo potissimum tempore Annuli dicti inventum contigerit, mihi profecto incompertum est, quod enim peregrinantium quorundam relationem attinet, quasi jam An. C. 1640. Berchtolsgadæ, vel Anno 1660. Ingolstadii copia talis annuli curiosis facta fuerit spectatori- bus, nudum præter rumorem haud aliud videtur habere fundamen- tum: Noribergæ autem Anno demum 1670. à jam nominato illo *Heel* annulum occasione & ratione exposita fuisse concinnatum, ipso adhuc artifice superstite vivum perhibente testimonium, certissimū est. Quem non multo post *Stephanus Zick / civis Noribergensis tornan- di artis peritissimus*, & ob nuper adeo curiosam operosamq; Oculi humani secundum singula sua contenta particulatim exponi conspiciq; apta ingeniose confectam machinam, X. Imperialibus vulgo vendi solitam, fama notissimus, ex materia quoque eburnea tornare aggressus, feliciter tandem effe- ctum dedit, annulo quolibet primū 6. Imperialibus, deinde vero totidem florenis divendito.

De cetero, quod ad illam relationis attinet circumstantiam, nempe *Polonos Ingolstadii Annulum sibi comparasse*, nonnulli Noribergæ mentionem eam assignantes, inquirunt, Polonos illos Noribergam delatos, post varia ibidem perlustrata *Ceimiliarchia*, tandem ad Mercatorem aliquem, cujus nomen oblivione jam contritum sit, pervenisse, qui inter alia curiosis ipsorum oculis exposita, Annulum quoque talem aureum, vetustioris, ceu quidem videbatur, operis, neque à se magni adeo habitum ipsis monstravit, quem vero illi intentius paulo intuiti, desiderio illicet ejus potiundi flagrare cœperunt; hincque tanta eos pecunia, quantam auri pondus, levius quidem illud, exigebat, eum redimentes, ad dictum illum *Salienſcher* detulisse, & de similis Annuli fabrica pactum, ceu antea traditum, cum ipso inivisse.

XV.

Materia, ex qua Annuli tales sine magna opera hodie fiunt, est aurum ac argentum: ex ea enim facilius confici posse dicuntur, quam ex ebore tornari, siquidem filum unius frusti, ex auro sive argento ductum, sine magna difficultate, in tres tales plicas undosas potest redigi, & circumvolvi, dummodo extremitates, in quibus affabre coagmentandis maximum consistere solet artificium, rite sint connexæ, ferrumineque probe consolidatæ: Ita enim ex ipso Artificis cujusdam ore accepi: Die güldene und silberne Dreyfaltigkeitsringe werden nicht aus dreyen Dräthen sondern nur aus einem Drat / und zwar aus einem Drat von einer Länge / ineinander dreyfach geflochten und geschlossen / dergestalten / daß kein Theil das andere berührt: und besteht die größte Kunst meistens darinnen / daß man die beede Ende also wiſſe zusammen zu löten / damit die Lötung nicht leicht könne gesehen noch gemercket werden.

XVI.

Præter materiam nunc descriptam, ex *Ære* pariter, *Ferro*, *Ligno*, maxime *Aceris* aut *Buxi*, similique consistentiore, solidiore & firmiore massa Annulos hujusmodi esse fabrefactos, ratio non minus, quam ipsa testatur *αυτοψεία*. Accedit, quod ex *Orichalco* pariter structuram illius tentatam feliciter successisse, Annulus ille sufficienter demonstrat, qui ab *Eimarto*, Viro sane excellentissimo, & in *Astronomicis* præcipue, nec non aliarum scientiarum artiumque studiis, sine pari, versatissimo, hodiernum possidetur. Quin & ex *ebalybe*, difficilem quidem haud

haud tamen prorsus impossibilem ejusdem confectiorem fuisse, exemplo suo comprobatur *Johannes Heel* / major natus filius cognominis Patris supra citati, nunc *Berolini*, in media Marchia Brandeburgica ad Sprevm fluvium sita, urbe, sedeque Regis Prussiae, agens, atque artem, quam aurifabrillem optime didicit, egregiis illustrans specimenibus.

XVII.

Primus, qui nomine germanico *Dreyfaltigkeit* Annulos hujusmodi insignivit, fuisse dicitur *Sigismundus à Bircken* / alias etiam *Betulus* dictus, Comes Palat. Caesar. elegantioris vir ingenii, & ob egregiam in Remp. Literariam, praesertim amoeniorem illam Poeticam & Historicam, merita, omni laude dignissimus: Is enim cum Annulum curatius videndo videndi, & perpendendo perpendendi desiderium suum accendi identidem acuique animadvertisset, ad vocem demum illam germanicam, pietate sine dubio duce, Annulo non tantum applicandam, sed mysticam etiam ejusdem rationem explicandam animum induxit, quam novam nomenclaturam latius, ut fieri in his talibus plerumque solet, se se diffundentem, vulgus tandem quoque avidè arripuit, atque usu non interrupto, in hoc usque tempus conservatam propagavit.

XVIII.

Quae ipsa deinde appellatio causa fuit, ut idem ille *Sigismundus* Generosum quendam Illustris Reip. Nor. Senatorem sibi devincturus, Rhythmos insuper quosdam germanicos concinnaverit, exegesisin quasi aliquam & illustrationem novae suae Annulo factae vocis impositionis in se continentes, qui ut heic etiam compareant, haud esse incongruum putavi, suntque seqq.

Hier dieser Ring dir weist /
 minus autem recte, Hier dieser Ring der weist /
 Wie Drey in Einem heist /
 Gott Vater Sohn und Geist.
 Vel, ceu alias etiam expressi leguntur:
 Ein Ring in Dreyen weist /
 Wie Eins in Dreyen heist
 Gott Vater / Sohn und Geist.

*

Schau hier der Gottheit Bild ist Eines und doch Drey /
 male legitur: in Eines und doch Drey /
 Ist Drey und Eines / doch kein Anfang ist dabey /
 Die Kunde weist dir / daß Sie ohn Ende sey.

Drey Ringe du in Einem siehest /
 und keiner rührt den andern an:
 Da dieses / (ob du dich bemühest /)
 nicht dein Verstand erreichen kan:
 Drum magst du dich der Frag verzeihen /
 Wie Gott könn' Eines seyn in Dreyen?
 Vel, ceu aliàs etiam proferri solet:
 Darffst du dich dann des Fragen zeihen /
 wie Gott kan Eines seyn in Dreyen?

XIX.

Mihi pariter Annulos ejusmodi ad animum revocanti, rhyth-
 mosque adductos perpendenti, Disticha quædam, casu magis &
 sub manu, quam longiore meditatione nata sunt seqq.

*Annulus hic clare probat, esse uno in, tria posse:
 Illius cur nequeat trinus & esse Deus?*

*Trinum me faciens manus Artificis sapientis
 Annulum, in uno sum trinus & unus idem.*

*Annulus edocet hic, unus, si forte requiris,
 Personis tribus in qui queat esse Deus?*

*Annuli ut en tres sunt, ast est tamen Annulus unus;
 Sic tres Personæ sunt, Deus unus at est.*

*Annulus hic triplex uno ut concluditur orbe;
 Sic Pater, & Gnatus, Spiritus unus & est.*

XX.

Spurios inter, adulterinos, perperam factos, & specie sua ex-
 terna oppidò imponentes illos retuleris Annulos, qui gemina tantum
 annulari serie, re ipsa distincti, triplicem tamen intuentibus annu-
 lorum se orbiculatim sine ullo contactu involventium & includentiū
 figuram repræsentant. Cùm autem ex solo, accuratissimo etiam in-
 tuitu, fallacia hujusmodi & impostura dignosci haud queat, ratio ali-
 qua inventa est, cujus ope haud difficile est, in genuinam annuli per-
 venire structuram: Nimirum ad punctum in una Annuli serie, vel ce-
 russa, vel atramento, vel rubrica, vel alio quovis modo notatum fi-
 lum

lum alligetur, idque inde per totum annulum eadem serie circumducatur, donec idem punctum, à quo initium ductus factum est, rursus contingat: deinde ex juxta sive pone statim sequentis annuli serie idē illud filum per totam annuli secundi peripheriam circumagatur, donec ad spatium illud redierit, unde initium secundi ductus sumtum est: Denique ex tertia annuli serie ductus fili repetitus, ad terminum in tertio annulo fixum remeabit. Ultra tres ejusmodi fili ductus, si quarta etiam vice, ex insequente statim annuli articulo idem filum eliet protrahendum, non ad quartum à semel dato puncto articulum, sed ad primum illud primò assumptum punctum reverteretur, indicio sane certissimo & infallibili, nec plures, nec pauciores, tribus, esse annulos mutuo sibi innexos & implexos.

XXI.

Circularis hujusmodi Annulorum ambitus valde dispar est: nunc enim digitali respondet amplitudini, pro digitorum eidem inferendorum crassitie; nunc diametro latiore præditus majus spatium absolvit; nunc in hanc vel illam capacitatem excurrens, orbitam sibi similem constituit, nunc alio quovis spatio patens istam vel aliam peripheriam producit; raro tamen vel nunquam in tam grande spatium porrigitur, quod sex vel septem digitorum latitudinem diametro suo expleret. Aliàs autem quo laxiorem in ambitum Annuli ejusmodi circuli diffunduntur, eò minoris esse artificii opus nonnulli contendunt, ex adverso autem quò minorem in orbem eos coactos videre licet, eò majoris & prudentiæ & sedulitatis conatum esse Autores quidam opinantur: cui autem sententiæ calculus adjiciendus sit, ut ut difficile videri queat, ex meo tamen judicio si decisio depromenda foret, utriusque Annuli, sive majoris, sive minoris, æque difficilem, suo modo, elaborationem esse, profiterer.

XXII.

Ad differentiam horum Annulorum non inconcinnè referendum erit, quod nonnulli quidem Annuli reperiantur, tribus itidem se mutuo non contingentibus circulis constantes, attamē duobus duntaxat circulis se sine ulla connexionē aut contactu sinuosè permeantibus, tertio autem circulo intra duos illos, sine flexuosa aliqua voluminis aut contactus apparentia, pendulo, inque orbem simplicem & nudum circumactō: cujus figuram ab Amico quodam mei & amantissimo & studiosissimo verbis delineatam proferre licuerit hisce germanicis

manicis: Ich habe einen Ring gesehen / da nur zwey Theile stierlich in
einander geschlungen und gewunden / in selbige aber ein ganz runder Zir-
ckel eingeschlossen gewesen. Enimvero uti ista Annuli species multis
parafangis illam, quæ hæcenus exposita fuit, post se relinquere
videtur, ita profecto satis admirari non queo, tertium circulum,
sinu omni destitutum, & ab omni contactu exemptum, ita posse in aëre
quasi pendere.

XXIII.

Neque verò cum nostris explicatis hæcenus Annulis Trinitariis
illi vel comparandi vel confundendi sunt Annuli, qui aliam longe ob-
causam, nomen pariter sustinent germanicum Dreyfaltigkeitsring /
utpote qui *partim* ab insculpta vel depicta, palæ in loco, superque
Annuli plano, S. Trinitatis figurâ, Deo Patre quidem in Viri cujus-
dam senis dextra globum cœruleum ferentis, Filio in Viri crucem si-
nistra tenentis, & Spiritu S. sub Columbæ schemate passis alis eo-
rum capitibus imminente, ita sunt denominati, *partim* a commenti-
tia Papæorum Trinitate, nominibus Jesu, Mariæ & Josephi in An-
nuli superiore parte descriptis, appellationem talem acceperunt. Ut
enim taceam, ex alia, quam aurea illos communiter haud fieri ma-
teria, profecto fabrica etiam, quæ simplicissima & planissima unius
circuli est combinatio, plurimum ab artificiosa illa & prorsus singu-
lari trium in uno existentium annulorum structura abhorret.

XXIV.

Præterea oblivioni haudquaquam dandus erit ille Annulus, qui
nomine quoque S. Trinitatis insignitus, in Coronationibus adhiberi
solet Reginarum Galliæ, illius enim de opere licet nondum quicquā
constet, utrum nempe vel ex hac, vel ex illa materia, vel isto, vel alio
modo elaboratus sit, attamē ob cognominis convenientiā haud inde-
cens fuerit aliqualem ejus mentionē heic injicere. Nimirum de *Maria*
Medicea, Henr. M. conjuge, ac Regina Franciæ & Navarræ, in Fano S.
Dionys. A. 1610. d. 13. Mai. coronata, apud Scriptores Gall. memoriæ
proditum est: Cardinalem Jousam, sive, de Joyeuse, Annulum in ipso
Coronationis *Actu* Reginæ porrigentem, verbis eam compellasse his-
ce: *Prends l' Anneau de la Foy, Signacle de la Sainte Trinité, par le*
quel tu puisses éviter toutes malices herétiques, & par la vertu, t' est don-
nee appeller les Nations Barbares à la cognoissance de la Verité. h. e. Ac-
cipe annulum Fidei, Signaculum S. Trinitatis, cujus ope poteris evi-
tare

tare omnem hæreticam pravitatem, & ejus virtute tibi datum est, omnes gentes barbaras ad Veritatis cognitionem advocare. *J. C. Becmanus* autem in *Syntagm. Dignit. Illustr. dissert. 6. cap. 4. §. ult* generaliter tantum ritûs hujus annularis mentionem faciens, ex *Continuat. Thuan. Histor. lib. 3. fol. 69. collat. cum Ceremon. Franc. part. I. fol. 577.* verbis profecutus eum est hisce: *Cardinalis Jousa accepto Annulo, quem Episcopus ipsi porrexir, eum Regina digito indidit, recitara ad hanc rem composita precatione.*

XXV.

Eburneus Annulus Trinitarius gemino hodie confici solet modo: *altero* quidem quando ex integra quadam Eboris particula, mediante torno, Annulus effingitur: *altero*, quando scalpri vel cæli alicujus ministerio idem ille una pariter ex massa excinditur. Quamvis vero scissionis sive sectionis modus faciliior esse dicatur illo, qui torni ope perficitur, singularis tamen cura, attentio & felicitas requiritur ad finem eidem ordinate imponendum, quippe circa quem vel ob cæli scalprique aberrationem, vel ob aliam quamcunque causam, ruptura annulo illata operam Artificis sæpe sæpius solet eludere.

XXVI.

Primus ex ebore à dicto illo sic tornatus Norib. Annulus Trinitarius, ope Legati alicujus Imperial. ibidē forte subsistentis Augustissimum ad LEOPOLDUM Imp. Rom. Inviētissimum, cujus Arma justissima Dii porro secudent! delatus, Ceimeliarchio Viennensi illatus adhuc hodie inter res rariores ibidem asservatur: Alter autem ei similis Annulus in Electoris Saxoniae Johann. Georgii III. glor. memor, Technomatophylacium Dresdense, Nobili quodam Saxone Noribergam transeunte, eumq; commemorato ab Artifice sibi comparante, pervenit. Quod qualeve autem pretium pro iis exsolutum sit, si forte quis nosse cuperet, sciat id longe inferius ingeniosissimo inventionis fuisse artificio; siquidem solis XII. Imperialibus primum Annuli eburnei opus tornatum: alterum autem XII. duntaxat florenis fuit redemptum: Artifice nempe ipso tantillo solum & non majore pretio opus adeo rarum tum æstimante, tum Emtoribus illis licitantibus vendente.

XXVII.

Pretium quo hodie Annuli ejusmodi veneunt, partim ob plures in opifices diffusam eos elaborandi notitiam, partim ob frequentiorē eorundem hinc inde factorum existentiam, levius certe est, quam
C quod

quod vel curiositatis sitis ad sui reſtinctionem expetere, vel labor inſumtus ad ſui compenſationem efflagitare videtur. Etenim *ex Ebo-*
re, non quidem tornati, ſed quocunque modo exciſi, & vel Salis-
burgo, vel Geislinga, vel Berchtolsgada, pyxidibus plerumque ligneis
tornatis incluſi Noribergam delati, nunc 90. crucificeris, nunc unico
floreno, nunc paulo pluris, pro emtoris ſcilicet conditione, ſolent
vendi: *Ex Auro* autem conflati, vel 4. vel 5. vel 6. florenis, pro ma-
jore nempe vel minore auri pondere, diſtrahuntur. Denique *ex*
Argento plexi, unius thaleri, aut duorum florenorum, nonnunquam
& trium pretio queunt comparari.

XXVIII.

Præter materiam *Annuli* ſupra jam expoſitam, *ex plumbo* pari-
ter, *cera*, *ſtramine*ve eum præparari poſſe, in dubium ſcio à quibusdam
vocari: at vero experientia in ſubſidium adductâ, patebit, ex recen-
ſita modo triplici materia *Annulos* fuiſſe tales compoſitos. Quamvis
ſtramen quod attinet, notandum erit, id ipſum non aliter, quam fi-
lis æreis obvolutum, *Annulis* iſtiusmodi materiam præbere. *Ex*
cera quoque ſi efficere illos cuiquam placeret, non ex alia, quàm quæ
juxta regulas Artis probe indurata fuerit, *Annuli* opus finem confe-
quetur. *Ex plumbo* denique *Annuli* tales formati, figuram ab Artifi-
cis manu ipſis tributam facile ob molliem inhærentem aut amittunt,
aut immutant.

XXIX.

Quando quæritur, in quantam *Annuli* ejusmodi diameter ex-
tendi queat amplitudinem? Reſpondendum eſſe reor, pro materiæ,
ex qua conficitur, conditione ac qualitate, nunc dilatari eum poſſe,
nunc coarctari. Nimirum ex filò cujuſcunque metalli major dia-
meter, quam ex ebores denſiſſimo & craſſiſſimo, effici poteſt, ſiqui-
dem eboris nunquam ejusmodi reperire licet quantitatem, quæ am-
plioſiorem aliquam diametrum ex metallicis filis datâ operâ productam,
impleret, nedum, ſuperaret. Ampliſſimum igitur circulum vel an-
nulum talem, ex filis præcipue aureis & argenteis, præſertim materiæ
pretioſitate non adeo attenta, poſſe confici, extra dubitationis aleam
poſitum eſt.

XXX.

Ceterum credibile vix videri poſſet, nî experientia fidem face-
ret, tres diſtinctos hoſce & ſe mutuo non attingentes annulos, non
poſſe tribus diſtinctis coloribus ita diſtincte imbui, ut ſuus cuivis an-
nulo ſigillatim illitus color, diſtincte ab alio juxta poſito annulo alio-
que colore infecto, in circumrotatione annuli poſſet dignoſci: præ-
ter-

terquam enim quod spiralis in annulo obvia undositas, ob semicircularem sui repræsentationem, ex sæpius interrupta quantitatis sinuosæ contemplatione, oculis insigniter imponit, profecto pluralitas etiam illa colorum haud inepta ad visus confusionem gignendam, facile, per & propter angulorum interstitia, erroris alicujus ansam procreare potest. Sicque tum annulum ex tribus ejusmodi quemlibet separatim continuo colore inficere, tum infectum à reliquis sibi implexis annulis discernere, si non prorsus factu impossibile, dijudicatu tamen erit difficillimum.

XXXI.

Utrum nomen Dreyfaltigkeit Annulo ejusmodi triplicato recte sit inditum, dubium fateor mihi hætenus semper est visum. Enimvero negare licet nolim, compagem ejus ob trium sine ullo contactu sibi incumbentium & mutuo se permeantium annulorum ex una eademque materia fatis mirabilem, & à nemine huc usque, quantum quidem scio, rationem esse indagatam, attamen quam qualemve convenientiam cum Trinitate Personarum in Unitate Essentiæ Divinæ Annulus talis habeat, perspicere nondum potui. Etsi enim tres distincti annuli, sine ullo contactu, ex una materia connexi, in unius annuli complexum abeunt, unicum annulum constituent, & unica unius Annuli voce insigniantur, divisione tamen, separatione & distinctione substantiali, quin & appellationis annulorum separatim sumtorum identitate in Annulo illo mirabili obviis, ut jam de materia, ex qua annulus constat, nihil dicam, quæ amabo qualisve applicatio fiet ad SS. Trinitatem? Sane uti S. Trinitas non est extra Unitatem, neque Unitas extra Trinitatem, ita Trinitas est in Unitate absque Substantiæ separatione, siquidem in Deo nihil divisibile, aut separabile, aut diversum est, licet distinctio Personarum detur, aliaque sit Persona Patris, alia Filii, alia Spiritus Sancti. Nimirum in Trinitate nulla sectio aut divisio, sed arcana & inperceptibilis est communitas & discretio: *Non enim, Basilio alicubi inquit, excogitari potest sectio aut divisio juxta ullum aliquem modum, ut aut Filius sine Patre mente concipiatur, aut Spiritus à Filio distinguatur; sed arcana quedam ac inperceptibilis tum communitas, tum discretio in his comprehenditur. Quocirca eleganter Prosper in Epigrammat.*

Quod Pater, hoc Verbum Patris est, simul hoc utriusque Spiritus: hic Deus est unus, & una Fides.

Quid quod etiam *Annulus memorialis* ex tribus articulis sive circularibus connexus, nomen videtur mereri Trinitatis. Uti enim Trinitario in Annulo ansam denominationis ex triplicitate circularum sine ullo contactu se invicem permeantium unum Annulum constituyente præcipue desumptam esse constat, ita eodem quin jure idem Annulo memoriali nomen possit tribui, nullum reor esse dubium. Taceo *physicos Græcorum Annulos*, quos intus pervios cassosque fuisse, & ἀλεξιφθορον vim habuisse, ex historia colligitur. Vid. *Dalechamp. not. ad Plin. l. 33. c. 1.* Satius ergo, mea quidem opinione, fuisset, Annulum illum potius Annulum mirabilem sine ullo contactu triplicatum, *germ. Einen dreyfach ineinander / ohne die geringste Berührung / geschlungenen Wunderring /* quàm Trinitarium, sive Dreyfaltigkeitsring / appellasse.

XXXIII.

De vario aliàs Annulorum usu, prærogativis, virtutibus, &c. eleganter non minus ac erudite *Hugo* egit *Grotius* in *Metrica quadam Annuli Commendatione*, *Abr. Gorlaei Dactylioth. præmiss.* quæ, licet prolixior, ut heic quoque compareat, operæ pretium esse putavi:

Annule, principii nusquam pereuntis imago,
Et cui vel finis nulla, vel ipse tibi.

Annule, qui cæli specie redeuntis in orbem
Telluris cohibes omniparentis opes:

Annule, qui rigido lapidem redimite metallo
Fixa Promethea vincula rupe refers:

Annule, qui tribuis, quod jus Natura negavit,
Ingenuosque tuo solus honore facis:

Annule, testis opum quo plebs Romana carere
Cogitur, augustus quem sibi clavus habet:

Annule, Legati quem sacra, & Judicis aqua,
Et scutata manus Centurionis amat.

Annule, quem donant Reges, quem donat Amator,
Quem fovet in tepido dulcis Amica sinu.

Annule, cui commissa Penus, commissa supellex
Servitii fures non metuere manus.

An-

Annule, qui missæ signas arcana Tabellæ,
Legitimi sacrum pignus & arrha thori.

Annule, secreti vindex, custodia veri,
Qui perhibes pactis muneribusque fidem.

Annule, cui moriens, & villas credit & agros,
Tutelamque suæ prolis, opesque Pater.

Annule, qui pestem, fœdumque arcere venenum
Pectore, qui Philtri crederis esse loco.

Annule, qui Magicæ non prorsus inutilis arti,
Cùm tua sidereis est rota picta notis.

Annule, quo solo si cedit dextra sinistra
Fallitur: Armillis est, puto, juris idem.

Annule, quem minimus digitorum gessit, & Index,
(Scilicet hîc Achates, hîc Coriannos eras.)

Annule, quem poscit minimo qui proximus ungui est,
Eque tuo digitus nomine nomen habet.

Annule, subtili vis ad præcordia venâ
Cujus inexplicitâ traditur ire viâ.

Annule, quem ferro producit & ære Vetustas,
Optimus, argenti non grave pondus eras.

Annule, sed cassum cui nunc vix sufficit aurum,
Tale tamen prisca Læva Dialis habet,

Annule, qui totos minimo comprehendere census,
Qui pretium fundi claudere parvus amas.

Annule, qui mistis etiam spectare metallis;
Unaque quem totum gemma cavata facit.

Annule, qui Sardâ fulges, qui vinctus Achate,
Quem decet ex Arabum littore vectus Onyx.

Annule, Beryllo renitens, viridique Smaragdo,
Cuique Adamas, & cui fulvus Iaspis adest.

Annule, qui totos hyberno Sole premebas
Articulos: pretii cui modus, æstus erat:

Annule, per lusum cui mobile dextra sigillum
Ventilat, & gemmam vertit in orbe suo.

Annule, Pyrgoteles duro quem incidere ferro,
Quemque Dioscorida sculperet docta manus.

Annule, cui scalpro, quæ sæpe incisa figura est,
Hæc alias celi munere tuber habet.

Annule, materies in quo ne sola placeret,
Sæpe triumphales adjiciuntur Avi.

Annule, qui Sphingas, qui turpia corpora Ranas,
Sed tamen & magnos dignus habere Deos.

Annule, Cæsareos qui fers in imagine vultus,
(Ab capital Paulo quam prope crimen eras!)

Annule, qui Gygi Lydorum sceptræ dedisti,
Qui te Perseæ cassidis instar habet.

Annule, at Euphratis quem contra ripa Seleuco
Abstulit, & Regni spem dedit esse ratam.

Annule, qui Samio jactura negata Tyranno,
Quem miser, heu! nollet non periisse sibi.

Annule, Cannensis quo sanguinis indice mensa est
Carthago modis Romula castra tribus.

Annule, proscriptor Noni: quo Cæpio Drusum
Odit: & in Syllam se tulit ira Mari.

Annule, quem fatum docuit Demosthenis, & quem
Annibalis, celerem mortis habere viam.

Annule, quem loculo varium qui condidit uno
Romulea primus Scaurus in urbe fuit.

Annule, quo Magni Laurus ditata, Latinus
Cum Mithridatæas Jupiter hausit opes.

Annule, quem senis distinctum à Cæsare thecis
Marmorea genitrix vidit in æde Venus.

Annule, non unum quem sacra Palatia servans
Marcello acceptum pulcher Apollo refert.

Annule, quid fueris (nam non est omnia nostrum
Dicere,) jam doceat dicere plura sciens.

XXXIV.

Spatium in ista residuum adhuc philyra suppleturo mihi adjicere superioribus placet, Doctrinam de S. Trinitatis mysterio humanæ rationi non penitus repugnare, quippe quam *Innocentius Gentilletus Commentar. de Regno aut quovis Principatu recte & tranquille instituendo lib. 2. p. 177.* utcunque probare est annisus, verbis quidem seqq. Hic mihi propositum est, tantum docere, hanc doctrinam de S. Trinitate rationi & judicio humano non plane repugnare, etsi Philosophi in hæc usq; adyta non penetrarint. Nam vel ex ipsorum placitis constat, Deum, Spiritum esse æternum, infinitum, minimè ullis qualitatibus aut accidentibus obnoxium. Ita quidquid accidentale est, in hominibus (cujusmodi sunt, bonitas, amor, prudentia, & ceteræ qualitates) essentiale est in Deo. His positis, consequitur, infinitam illam & mirabilem sapientiam, qua Deus se ipsum novit, essentiam esse, non qualitatem, in Deo, imò ejusdem cum ipso essentiæ: subsistentiam tamen seu hypostasim ab ipso distinctam: quum Sapiens & Sapientia sine distinctione esse non possint. *Hæc igitur Sapientia, secunda Trinitatis persona est, quam Scriptura Verbum & Filium vocat.* Neque magis à ratione humana alienum est, dicere, *duas in una essentia personas mutuam & infinitam Intelligentiam invicem habere.* Quæ Intelligentia pariter ex utraque persona Patris & Filii procedens, etsi ejusdem cum illis sit essentiæ, non potest tamen unà confundi: quando Intelligens ab Intelligentia distingui debet. *Hæc Intelligentia tertia persona Trinitatis est, quam Scriptura Spiritum S. vocat.* Quum hac rudi descriptione Trinitatis mysterium adumbramus (non secus ac quum Geometræ, tribus vel quatuor lineis carbone in tabella ductis, orbem terrarum oculis subjiciunt,) eam descriptionem ratio humana utcunq; percipit. In eo tamen mysterio excutiendo, longe (meo judicio) magis sapiunt, qui hîc sobriè & moderate philosophantur, & Fidei mensura contenti, nihil ulterius de Dei essentia inquirunt, quàm quod Scriptura docet: quàm qui menti & rationi humanæ nimium indulgent. *Quia tamen mihi negotium cum Epicureis erat, qui Scripturam ludibrio habent, paucis docere volui, vel judicii humani suffragio Doctrinæ nostræ veritatem confirmari.*

Sed quia longius jam non licet evagari, toti huic disputationi Tetraſticho ex *Joh. Cælio* deſumto imponere tandem placet colophonem:

Annulus ex auro factus Germania ſi ſit,
Noridos Vrbs Gemmam jure referre queat.
Annulus ergo ſit illa, ſit hæc pulcherrima Gemma,
Cæſar & in digitis floreſcat illa tuis!

cujus Tetraſtichi non tantum, ſed Annuli etiam Trinitarii ad animum revocatione, verſiculos, incomptos licet, ſincero tamen ex animo proſectos, libet ad extremum proferre ſeqq.

Annulo in uno ut ſunt tres Annuli eburnei, in una
Sic triplex viget & Noridos Urbe Salus:
Nempe Chorus q̄, Forum q̄, Torus, ſunt Annulus Urbis
Noridos, Annulus hinc ſic ea Gemma & erit.

IN te ſic *pietas, doctrina, modeſtia*, KERNI,
 Annuli in unius tres velut orbe latent:
 Annulus hic triplex tibi triplex *Proſperitatis*,
 Atque *Favoris*, item pandat *Honoris* iter!

Quorum intuitu,
Præſtantiffime KERNI,
recordabere Præſidis tui,
qui
tibi fauſta omnia ex animo apprecatur,
atq̄ ſimul te
Bonis omnibus & Literarum Fauctoribus
optime commendat,

DAN. GVIL. MOLLERI.